

Nota Ilmiah

# Definisi Ahli Sunnah Wal Jama'ah (ASWJ)

Dan Ciri-ciri Umum Umat Islam ASWJ

Disediakan oleh:

Dr. Abdullaah Jalil

Universiti Sains Islam Malaysia (USIM)

Merangkap:

- Ahli Panel, Jawatankuasa Penyelidikan Isu-isu Kontemporari Islam Negeri Sembilan (JPIKINS), Jabatan Mufti Negeri Sembilan.
- Felo, Nadwah Ahli Sunnah Wal Jama'ah, Jabatan Mufti Negeri Perak.
- Panel Penyelidik (Pakar Rujuk) bagi Penyediaan Pelan Tindakan Kebangsaan bagi Mencegah dan Menangani Pelampau Keganasan (NAPPCVE). IPSOM: Kementerian Dalam Negeri.

Bagi Program:

**FORUM PENGUKUHAN AKIDAH ISLAM**  
**"BOLEHKAH AKIDAH DIJUAL BELI?"**

Panel 1:  
Dr. Abdullah Bin Jalil (USIM)

Ucapan Aluan:  
Puan Salwana Binti Ahmad Dahlan  
Timbalan Pengarah (Operasi) JAIS

Ucapan Perasmian:  
Y.B. Tuan Dr. Mohammad Fahmi Bin Ngah (EXCO Agama Islam & Kebudayaan Inovasi)

Panel 2:  
Prof. Madya Dr. Faizuri Bin Abd Latif (UM)

**19 OKTOBER 2023 | KHAMIS**  
**9.00 pagi hingga 1.00 tengahari**  
**Dewan Serbaguna, Masjid Raja Haji Fi Sabilillah, Cyberjaya**

Moderator:  
Tuan Mahmud Hishamuddin Bin Abd Rashid (PERKID)

Anjuran:  
Dengan Kerjasama:

Logos: Al-Khidmah Malaysia, Muafakat, Yayasan Kasih Tauhid, Masjid Raja Haji Fi Sabilillah Cyberjaya, and others.

19 Oktober 2023 (Khamis)

Masjid Raja Haji Fi Sabilillah, Cyberjaya

Anjuran:

Jabatan Agama Islam Selangor (JAIS)

Dengan kerjasama: Akademi Rumbawe ARG, Bakewanis, Alkhidmah Malaysia, Muafakat, Yayasan Kasih Tauhid dan Masjid Raja Haji Fi Sabilillah, Cyberjaya.

## ISI KANDUNGAN


ISI KANDUNGAN .....	i
PENDAHULUAN .....	1
DEFINISI UMUM “AHLI SUNNAH WAL JAMA’AH” .....	1
“Ahl” .....	2
“Al-Sunnah” .....	3
“Al-Jamā’ah” .....	5
Rumusan Definisi Umum Ahli Sunnah Wal Jama’ah .....	6
DEFINISI KHUSUS “AHLI SUNNAH WAL JAMA’AH” .....	9
Dari Sudut Masa .....	10
Dari Sudut Manhaj Akidah .....	10
Dari Sudut Madrasah Akidah .....	11
Dari Sudut Mazhab Fiqh (Masakini) .....	12
Dari Sudut Peranan dan Tugas .....	13
Rumusan .....	14
DEFINISI PALING KHUSUS “AHLI SUNNAH WAL JAMA’AH” ...	15
Al-Ashā’irah dan al-Māturidiyyah adalah Tokoh-tokoh Utama Akidah Ahli Sunnah Wal Jama’ah .....	15
Al-Imam Shaykh al-Islam Shihab al-Din Ibn Hajar al-Haytami (w.974H) .....	15
Al-‘Allāmah Shahīd al-Mihrāb Prof. Dr. Muḥammad Sa’īd Ramaḍān al-Būṭī (1347H/1929M - 1434H/2013M) .....	16
Al-Shaykh Dr. Nuh ‘Ali Salman al-Qudah (1939M – 2010M) .....	18
Al-Shaykh Prof. Dr. Muḥammad Ḥasan Hitū: Ulama’ Empat Mazhab adalah Al-Asha’irah dan Al-Maturidiyyah .....	19
Pusat <i>Iftā’</i> Umum Jordan: Al-Ashā’irah dan al-Māturīdiyyah adalah Majoriti Umat Islam, Ulama’ Yang Berwibawa dan Pembawa Akidah Rasulullah ﷺ .....	24
Tokoh-tokoh Utama Ulama’ Al-Ashā’irah di dalam Pelbagai Disiplin Penting Ilmu Syariah .....	26

Latar Belakang Ringkas Tokoh Ulama' Al-Ashā'irah dalam Bidang Akidah Terpilih .....	28
Imam [al-Mujaddid] al-Bāqillāni (w.403H) .....	29
Imam Ibnu Fūrak (w.406H).....	29
Imam al-Ḥaramayn Abū al-Ma'ālī al-Juwaynī (w.478H) .....	29
Imam [al-Mujaddid] Ḥujjat al-Islām Abū Ḥāmid Muḥammad al-Ghazālī (w.505H) .....	30
Imam [al-Mujaddid] Fakhr al-Dīn al-Rāzī (w.606H).....	30
Tokoh Ulama' Al-Ashā'irah adalah Para Mujaddid Sepanjang Kurun.....	31
<b>MANHAJ “AHLI SUNNAH WAL JAMA’AH” DI TANAH MELAYU</b>	<b>38</b>
Wasiat Syeikh Abdullah Fahim bin Syeikh Ibrahim (1869M – 1961M) .....	40
Manuskrip Asal Wasiat Sheikh Abdullah Fahim .....	41
Tan Sri Dato' Haji Othman Bin Mustapha – Ketua Pengarah JAKIM (2013).....	42
Muzakarah Jawatankuasa Fatwa Negeri Sembilan (2016) .....	42
Deklarasi Ipoh (2023).....	43
<b>CIRI-CIRI UMUM UMAT ISLAM “AHLI SUNNAH WAL JAMA’AH”</b>	<b>46</b>
.....	

## PENDAHULUAN

Berdasarkan kajian penulis menggunakan kaedah *istiqrā'*, Ahli Sunnah Wal Jama'ah (ASWJ) telah didefinisikan oleh para ulama' ASWJ di dalam kitab-kitab dan penulisan melalui tiga pendekatan dan peringkat, iaitu:

1. Definisi umum (*al-ta'rif al-'āmm*) ASWJ
2. Definisi khusus (*al-ta'rif al-khaṣṣ*) ASWJ
3. Definisi paling khusus (*al-ta'rif al-akhaṣṣ*) ASWJ



## DEFINISI UMUM “AHLI SUNNAH WAL JAMA’AH”

﴿التعريف العام لأهل السنة والجماعة﴾

Istilah “Ahli Sunnah Wal Jama’ah” terdiri daripada tiga perkataan iaitu:

1. Ahli
2. Sunnah, dan
3. Jama’ah

Berikut adalah huraian bagi setiap istilah di atas.

## “Ahl”

Lafaz *ahl* mempunyai empat (4) makna seperti berikut:

Bil.	Makna	Contoh	
1.	Pemilik	<i>Ahl al-Ilm</i>	Orang yang memiliki ilmu
2.	Orang yang layak	<i>Ahl al-Ijtihad, al-'Aqd</i>	Orang yang layak berijtihad, berkontrak
3.	Penduduk	<i>Ahl Makkah; Ahl al-Wabar; Ahl al-Madar</i>	Orang yang tinggal di Mekah; penduduk bandar; penduduk kampung
4.	Isteri, keluarga dan kaum kerabat	<i>Ahl al-Rajul</i>	Isteri, keluarga dan kaum kerabat lelaki itu.

Makna yang dikehendaki dalam istilah “Ahli Sunnah Wal Jama’ah” ialah makna pertama iaitu “**PEMILIK**”. Ini bermakna bahawa “Ahli Sunnah Wal Jama’ah” ialah:

**PEMILIK “SUNNAH DAN JAMA’AH”.**

*Ahl* juga boleh memberi makna penganut dan pengikut. Sebagai contoh:

أَهْلُ الْمَذْهَبِ: مَنْ يَدِينُ بِهِ

“*Ahl al-madhab*: ialah seorang yang beragama dengannya (menganut dan mengikutnya).”

*Ahl al-madhab al-Shāfi‘ī* ialah seorang penganut dan pengikut mazhab Syafie. Ini bermakna beliau beribadah dan bermuamalat berdasarkan hukum fiqh yang telah diperincikan di dalam mazhab Syafie.

### “Al-Sunnah”

*Al-Sunnah* dari sudut bahasa memberi makna “jalan hidup”. Ia boleh merujuk kepada jalan hidup yang baik atau tidak baik. Namun begitu, pada kebiasaannya ia digunakan dengan konotasi dan maksud yang baik. Dari sudut istilah pula, *al-Sunnah* pula mempunyai enam (6) definisi seperti berikut:

Bil.	Definisi	Disiplin Ilmu
1.	Perkataan, perbuatan dan perakuan Rasulullah ﷺ	Ulama’ Usul al-Fiqh
2.	Perkataan, perbuatan, perakuan dan sifat Rasulullah ﷺ	Ulama’ Hadith
3.	Amalan yang apabila dilakukan, diberi pahala dan apabila tidak dilakukan, tidak berdosa.	Ulama’ Fiqh – Taklifi
4.	Amalan yang apabila dilakukan, diberi pahala dan apabila tidak dilakukan, tidak berdosa. Namun begitu, Rasulullah ﷺ lebih banyak melakukannya daripada meninggalkannya.	Sebahagian Ulama’ Usul al-Fiqh
5.	Syariat yang sahih/ benar - Berlawanan dengan makna bid’ah secara umum.	Istilah Syariat Umum
6.	Akidah yang sahih/ benar - Berlawanan dengan bid’ah akidah secara khusus.	Istilah Akidah Khusus

Majoriti ulama' *muta'akhkhiṛn* mula mengkhususkan istilah "al-sunnah" dan "al-bid'ah" di dalam perkara-perkara akidah kerana ia adalah merupakan asas agama dan kesalahan padanya adalah kesalahan yang besar. Ini adalah kerana makna perpecahan umat itu lebih jelas dan kuat pada perpecahan akidah. Imam Ibnu Rajab al-Ḥanbalī (w.795H) menyebut:

وَكثِيرٌ مِنَ الْعُلَمَاءِ الْمُتَأَخِّرِينَ يُحْصِ اسْمَ السُّنَّةِ بِمَا يَتَعَلَّقُ بِالْإِعْتِقَادَاتِ، لِأَنَّهَا أَصْلُ  
الدِّينِ، وَالْمُخَالَفُ فِيهَا عَلَى خَطَرٍ عَظِيمٍ

"Dan ramai dari kalangan para ulama' terkemudian mengkhususkan nama al-Sunnah dengan apa yang berkaitan dengan kepercayaan-kepercayaan akidah, kerana sesungguhnya ia adalah asas agama dan seseorang yang bertentangan (dengan al-Sunnah) padanya berada di atas bahaya yang amat besar."

R: Ibn Rajab al-Ḥanbalī (w.795H): *Jāmi' al-'Ulūm wa al-Ḥikam*.

Bagi makna yang keenam ini, Imam al-Ḥāfiẓ Ibnu Rajab al-Ḥanbalī (w.795H) juga menyebut:

مَا سَلِمَ مِنَ الشُّبُهَاتِ فِي الْإِعْتِقَادَاتِ، خَاصَّةً فِي مَسَائِلِ الْإِيمَانِ بِاللَّهِ وَمَلَائِكَتِهِ وَكُتُبِهِ  
وَرُسُلِهِ وَالْيَوْمِ الْآخِرِ، وَكَذَلِكَ فِي مَسَائِلِ الْقَدَرِ، وَفَضَائِلِ الصَّحَابَةِ

"[al-Sunnah ialah] Kepercayaan/ iktikad yang sejahtera daripada unsur-unsur syubhat dalam perkara berkaitan akidah, khususnya yang berkaitan dengan masalah-masalah keimanan dengan Allah, para mala'ikat-Nya, kitab-kitab-Nya, para rasul-Nya, dan hari akhirat, dan begitu juga berkaitan dengan masalah-masalah takdir dan kemuliaan para sahabat."



R: Ibnu Rajab al-Ḥanbalī (w.795H): Kash al-Kurbah fi Waṣf Ahl al-Ghurbah.

Maka, makna yang dikehendaki dalam istilah “Ahli Sunnah Wal Jama’ah” adalah makna yang keenam iaitu “**AKIDAH YANG SAHIF**”. Ini juga memberi makna bahawa Sunnah Rasulullah ﷺ yang paling penting dan utama ialah Sunnah Akidah Baginda ﷺ. Dengan ini, “Ahli Sunnah Wal Jama’ah” memberi maksud:

**“PEMILIK AKIDAH YANG SAHIF BERTEPATAN DENGAN AKIDAH RASULULLAH ﷺ” DAN JAMA’AH.**

### “Al-Jamā’ah”

*Al-Jamā’ah* dari sudut bahasa ialah:

عَدَدُ كُلِّ شَيْءٍ وَكَثْرَتُهُ

“Bilangan (perhimpunan/ perkumpulan) setiap sesuatu dengan banyak.”

Ia juga boleh memberi makna:

عَدَدٌ كَثِيرٌ / كَبِيرٌ مِنَ النَّاسِ ...

“Bilangan yang ramai/ besar daripada kalangan manusia ...”

Dari sudut istilah pula, Imām al-Mufasssīrīn Abū Ja’far al-Ṭabarī (w.310H) telah menukilkkan empat pandangan berkenaan makna *al-Jamā’ah*, seperti mana yang telah dinukilkkan oleh Imam al-Ḥāfiẓ Shayk al-Islām Ibnu Ḥajar al-‘Asqalānī (w.852H). Dan keempat-empat makna tersebut adalah seperti berikut:

Bil.	Makna <i>al-Jamā’ah</i>
1.	Para sahabat Rasulullah ﷺ

2.	Para imam dan ulamak mujtahid yang mengikut jalan <i>al-firqah al-nājiyah</i> (diperakui dan disepakati kebenaran mereka).
3.	Golongan yang paling ramai dari kalangan umat Islam.
4.	Mereka yang bersepakat/ berhimpun untuk [memberi ketaatan kepada] pemerintah yang sah di sisi Syariat.

Makna yang dikehendaki dalam istilah “Ahli Sunnah Wal Jama’ah” adalah makna yang pertama, kedua dan ketiga. Maka, istilah “Ahli Sunnah Wal Jama’ah” boleh dimaknakan sebagai:

**“PEMILIK AKIDAH YANG SAHIB BERTEPATAN DENGAN AKIDAH RASULULLAH ﷺ, PARA SAHABAT رَضِيَ اللهُ عَنْهُمْ, PARA ULAMA’ DAN MUJTAHID YANG MUKTABAR DAN GOLONGAN YANG PALING RAMAI DARIPADA KALANGAN UMAT ISLAM.”**

### Rumusan Definisi Umum Ahli Sunnah Wal Jama’ah

Maka berdasarkan penerangan makna lafaz Ahli, Sunnah Wal Jama’ah sebelum ini, kita dapat membuat rumusan bahawa definisi umum bagi Ahli Sunnah Wal Jama’ah adalah:

“Orang Islam yang memiliki akidah yang bertepatan dengan:

- akidah Rasulullah ﷺ,
- akidah para Sahabat Rasulullah رَضِيَ اللهُ عَنْهُمْ,
- akidah para imam dan mujtahid yang muktabar (disepakati kebenarannya) serta

- akidah majoriti umat Islam.”

Definisi umum ASWJ di atas juga menunjukkan bahawa asas-asas akidah adalah perkara yang sama, kekal dan tidak berubah sejak zaman Rasulullah ﷺ sehingga kepada umat Baginda ﷺ yang terakhir. Bahkan, asas-asas akidah adalah sama di dalam semua Syariat yang dibawa oleh para Nabi dan Rasul ﷺ sejak Nabi Adam ﷺ sehingga kepada Nabi Muhammad ﷺ, dan seterusnya tatkala Nabi Isa ﷺ turun di akhir zaman kelak.

## Kesimpulan Definisi Umum Ahli Sunnah Wal Jama'ah (ASWJ)



Gambar rajah di atas memberi ringkasan umum bagi perbincangan sebelum ini.


## DEFINISI KHUSUS “AHLI SUNNAH WAL JAMA’AH”

### ﴿التعريف الخاص لأهل السنة والجماعة﴾

Definisi Ahli Sunnah Wal Jama’ah juga boleh dilihat daripada pelbagai perspektif yang khusus seperti berikut:

- Masa/ Zaman
- Manhaj
- Madrasah/ Mazhab
- Mazhab Fiqh
- Peranan dan Tugas

Rujuk gambar rajah di bawah.



## Dari Sudut Masa

Dari sudut masa, golongan Ahli Sunnah Wal Jama'ah boleh dibahagikan kepada:

- Generasi Salaf (*Ṣāliḥ*): mereka yang hidup pada tiga kurun Hijrah yang pertama (1 Hijrah sehingga 300 Hijrah) atau mereka yang terdiri daripada generasi Sahabat رضي الله عنهم, *tābi'īn* dan *tābi'ī al-tābi'īn*.
- Generasi Khalaf (*Ṭayyib*): mereka yang hidup selepas generasi Salaf dan era mereka sehingga ke hari ini.

## Dari Sudut Manhaj Akidah

Dari sudut manhaj akidah, golongan Ahli Sunnah Wal Jama'ah boleh dibahagikan kepada:

- *Naqli*: golongan yang hanya merujuk kepada dalil-dalil naqli.
- *Aqli* dan *Naqli*: golongan yang menggabungkan dalil-dalil aqli dan naqli. Ini adalah pendekatan majoriti para ulama' ASWJ.
- *Aqli*, *Naqli* dan *Kashfi*: golongan yang bermula dengan *aqli* dan *naqli*, kemudian berakhir dengan jalan *kashfi*. Mereka adalah golongan *Ṣūfiyyah*.

Menurut Sheikh Nizār Hammādī, pendekatan ulama' al-Ashā'irah di dalam integrasi aqli dan naqli boleh dibahagikan kepada tiga bentuk pendekatan:

1. *Naqli* lebih banyak berbanding *Aqli*
2. *Aqli* lebih banyak berbanding *Naqli*
3. *Naqli* dan *Aqli* digabungkan secara seimbang.


Contoh ulama' yang mengambil pendekatan pertama adalah al-Nawawi (w.676H) dan Ibnu Hajar al-'Asqalani (w.852H) serta contoh bagi bagi pendekatan kedua adalah Fakhr al-Din al-Razi (w.606H) dan Sa'd al-Din al-Taftazani (w.793H). Manakala Abu Hamid al-Ghazali (w.505H) adalah tokoh yang dapat mengimbangkan di antara kedua-dua aspek tersebut.

### Dari Sudut Madrasah Akidah

Dari sudut madrasah akidah, golongan Ahli Sunnah Wal Jama'ah boleh dibahagikan kepada:

- Al-Ashā'irah: golongan yang mengikut manhaj Imam Abū al-Ḥasan al-Ash'arī (*Aqli* dan *Naqli*).
- Al-Māturīdiyyah: golongan yang mengikut manhaj Imam Abū al-al-Manṣūr al-Māturīdī (*Aqli* dan *Naqli*).
- Al-Athariyyah: golongan yang mengikut manhaj Imam Aḥmad bin Ḥanbal (*Naqli* sahaja).
- Al-Ṣūfiyyah. Sebahagian ulama' menjadikan para ulama' Ṣufiyyah sebagai salah satu cabang madrasah ilmu (bukan amali semata-mata) bagi akidah ASWJ kerana mereka mempunyai manhaj *kashfī* atau tauhid *shuhūd* atau *dhawqī*.

Rujuk gambar rajah di bawah.



### Dari Sudut Mazhab Fiqh (Masakini)

Dari sudut madrasah mazhab fiqh (masakini), golongan Ahli Sunnah Wal Jama'ah boleh dibahagikan kepada:

- Ḥanafiiyyah: umat Islam yang beramal dengan mazhab fiqh Imam Abū Ḥanīfah.
- Mālikiyyah: umat Islam yang beramal dengan mazhab fiqh Imam Mālik bin Anas al-Madanī.
- Shāfi'iyyah: umat Islam yang beramal dengan mazhab fiqh Imam Muḥammad bin Idrīs al-Shāfi'ī.
- Ḥanābilah: umat Islam yang beramal dengan mazhab fiqh Imam Aḥmad bin Ḥanbal.

Golongan yang tidak bermazhab (*al-lāmadhhabī*), mazhab Syiah Imāmiyyah, Syiah Ismā'īliyyah, Syiah Zaydiyyah dan Ibāḍiyyah tidak termasuk di dalam manhaj fiqh ASWJ.



## Dari Sudut Peranan dan Tugas


Dari sudut peranan dan tugas, golongan Ahli Sunnah Wal Jama'ah boleh dibahagikan kepada:

- Ulama' tauhid (Akidah)
- Ulama' fiqh
- Ulama' hadith
- Ulama' bahasa dan sastera arab
- Ulama' al-Quran
- Ulama' tasawuf
- Para pejuang (*mujāhid*)
- Masyarakat umum dan pemerintah yang mana zahir di negara dan negeri mereka syiar Ahli Sunnah Wal Jama'ah.

Pembahagian ini telah dinyatakan oleh Imam 'Abd al-Qāhir al-Baghdādī (w.429H) di dalam kitabnya yang masyhur "al-Farq bayn al-Firq."

## Rumusan

Rujuk gambar rajah di bawah.



## DEFINISI PALING KHUSUS “AHLI SUNNAH WAL JAMA’AH”

﴿التعريف الأخص لأهل السنة والجماعة﴾

Definisi Ahli Sunnah Wal Jama’ah di peringkat paling khusus pula merujuk kepada:

“Ulama’ dan umat Islam Al-Ashā’irah dan Al-Māturidiyyah yang merupakan majoriti ulama’ dan umat Islam sepanjang zaman.

**Al-Ashā’irah dan al-Māturidiyyah adalah Tokoh-tokoh Utama Akidah Ahli Sunnah Wal Jama’ah<sup>1</sup>**

Ulama’ al-Ashā’irah dan al-Māturidiyyah adalah merupakan tokoh-tokoh utama ASWJ yang berkhidmat bagi menjelaskan, memperincikan, menyaring, menyusun dan mempertahankan akidah ASWJ.

**Al-Imam Shaykh al-Islam Shihab al-Din Ibn Hajar al-Haytami (w.974H)**

Salah seorang daripada dua tunggak dan pentahqiq mazhab Shafie pada era *istiqrār* (peringkat keteguhan) mazhab Shafie iaitu al-Imam Shaykh al-Islam Shihab al-Din Ibn Hajar al-Haytami al-Makki (w.974H) menyebut di dalam *al-Zawājir ‘an Iqtirāf al-Kabā’ir* (p: 82) berkata:

---

<sup>1</sup> Definisi khusus dan masyhur yang sering dimaksudkan bagi istilah Ahli Sunnah Wal Jama’ah ialah Al-Ashā’irah dan al-Māturidiyyah.

المراد بالسنة: ما عليه إماما أهل السنة والجماعة الشيخ أبو الحسن الأشعري وأبو

منصور الماتريدي

“Maksud yang dikehendaki dengan (ahli) Sunnah (dan Jama’ah) adalah akidah yang dipegang oleh dua orang Imam Ahli Sunnah Wal Jama’ah iaitu: (i) (al-Imam) al-Shaykh Abu al-Hasan al-Ash’ari dan (i) (al-Imam al-Shaykh) Abu Mansur al-Maturidi.”

Dan kemudian beliau menyatakan di dalam kitab yang sama dan di dalam kitabnya yang lain iaitu “*al-Ta’arruf fi al-Aslayn wa al-Tasawwuf*”:

مَنْ خَالَفَهُمَا فَهُوَ مُبْتَدِعٌ

“Barangsiapa yang menyalahi mereka berdua (al-Imam Abū al-Ḥasan al-Ash’arī dan al-Imam Abū Maṣṣūr al-Māturīdī), maka dia adalah seorang ahli bid’ah.”

**Al-‘Allāmah Shahīd al-Miḥrāb Prof. Dr. Muḥammad Sa‘īd Ramaḍān al-Būṭī (1347H/1929M - 1434H/2013M)**

Al-‘Allāmah Shahīd al-Miḥrāb Prof. Dr. Muḥammad Sa‘īd Ramaḍān al-Būṭī menyebut di dalam khutbah Jumaat beliau bertajuk: **Al-Asha‘irah dan Al-Maturidiah** pada 20 Syawal 1425 Hijrah bersamaan 3 Disember 2004 Masihi:

من هم الأشاعرة والماتريدية؟ هم اللسان الناطق والمترجم لعقيدة السواد الأعظم لهذه الأمة، والسواد الأعظم هو ما قد أمر المصطفى صلى الله عليه وسلم باتباعه « عَلَيْكُمْ بِالسَّوَادِ الْأَعْظَمِ » والأحاديث التي تركز على ضرورة اتباع السواد الأعظم من الأمة الإسلامية كثيرة، وقد بلغت فيما ذكره كثير من

العلماء إلى درجة التواتر المعنوي. أجل، كلها بألفاظ متنوعة مختلفة تدعوا إلى اتباع السواد الأعظم، لا السواد الأعظم من العالم، وإنما تدعوا إلى السواد الأعظم من المسلمين.

“Siapakah mereka al-Ashā‘irah dan al-Māturidiah? Mereka adalah lisan yang berkata dan menterjemahkan akidah **al-Sawād al-A‘zam** (majoriti ulama’ dan umat Islam). Dan **al-Sawād al-A‘zam** itu adalah perkara yang telah diperintahkan oleh Rasulullah al-Muṣṭafā ﷺ untuk kita mengikutinya, dengan sabdaan Baginda ﷺ:

عَلَيْكُمْ بِالسَّوَادِ الْأَعْظَمِ

((Hendaklah kamu semua berpegang dengan **al-Sawād al-A‘zam**)).

Dan hadith-hadith yang menegaskan tentang kepentingan mengikut **al-Sawād al-A‘zam** daripada kalangan umat Islam adalah begitu banyak. Bahkan sesungguhnya hadith-hadith tersebut sepertimana yang disebut oleh ramai para ulama’ telah mencapai darjat *Mutawatir Ma’nawi*. Benar, semuanya (hadith-hadith tersebut) dengan lafaz-lafaz yang pelbagai jenis dan bentuk menyeru ke arah mengikut **al-Sawād al-A‘zam**.

Bukan **al-Sawād al-A‘zam** (majoriti) daripada seluruh dunia, akan tetapi hadith-hadith tersebut menyeru ke arah **al-Sawād al-A‘zam** (majoriti) dari kalangan para Muslimin.”

Sumber: Laman Sesawang Rasmi al-Shaykh al-Būṭī: [https://naseemalsham.com/persons/muhammad\\_said\\_ramadan\\_al\\_bouti/speeches/view/20041203](https://naseemalsham.com/persons/muhammad_said_ramadan_al_bouti/speeches/view/20041203)

## Al-Shaykh Dr. Nuh 'Ali Salman al-Qudah (1939M – 2010M)

Al-Shaykh Dr. Nuh 'Ali Salman al-Qudah – Qadi al-Qudah (Ketua Hakim) dan Mufti Jordan yang paling berpengaruh dalam sejarahnya serta tokoh sarjana Muslim yang sangat disegani di Jordan menyebut:

ومن الجدير بالذكر أن جهابذة علماء المسلمين من محدثين ومفسرين وفقهاء وأصوليين ومتكلمين هم من الأشاعرة والماتريديه، فالمالكية والشافعية وكثير من الحنابلة – كابن الجوزي – أشاعرة، والحنفية ماتريدية، فماذا يقول يوم القيامة من سب هؤلاء وشتمهم وهو عالة عليهم في بقية علوم الشريعة؟

“Dan di antara perkara yang patut disebut ialah jaguh-jaguh ulama' Muslimin daripada ulama' hadith, ulama' tafsir, ulama' fiqh, ulama' usul fiqh dan ulama' akidah: mereka adalah daripada **Al-Asha'irah dan Al-Maturidiah**.

Ulama' mazhab Maliki, ulama' mazhab Syafie dan ramai daripada ulama' mazhab Hanbali – seperti Ibnu al-Jawzi – adalah **Asha'irah** dan ulama' mazhab Hanafi adalah **Maturidiah**.

Maka apakah yang akan dikatakan oleh golongan yang mencaci dan mencela mereka pada hari kiamat kelak, sedangkan dalam masa yang sama golongan tersebut bergantung kepada mereka (**Al-Asha'irah & Al-Maturidiah**) dalam ilmu-ilmu Shariah yang lain?...”

R: (al-Qudah (1432H): al-Mukhtasar al-Mufid fi Sharh Jawharat al-Tawhid), pp.9-10.

## Al-Shaykh Prof. Dr. Muḥammad Ḥasan Hitū: Ulama' Empat Mazhab adalah Al-Asha'irah dan Al-Maturidiyyah

Kedudukan al-Asha'irah sebagai majoriti ulama' umat Islam khususnya majoriti ulama' empat mazhab adalah amat diketahui dan diperakui kawan dan lawan. Tiada yang meragui hakikat ini melainkan seorang yang taksub atau amat jahil.

Al-Shaykh Prof. Dr. Muḥammad Ḥasan Hitū menyebut di dalam muqaddimah kitab “Ahl al-Sunnah al-Ashā'irah: Shahādat 'Ulamā' al-Ummah wa Adillatuhum”, muka surat: 7:

فالمالكية كلهم أشاعرة... والشافعية كلهم أشاعرة... والحنفية كلهم أشاعرة  
أو ماتريدية ولا خلاف بينهم... وجملة كبيرة من أئمة الحنابلة المتقدمين من  
الأشاعرة، وهذا على الجملة.

“Maka ulama' mazhab Maliki kesemuanya adalah Asha'irah, dan ulama' mazhab Shafi'ie kesemuanya adalah Asha'irah, dan ulama' mazhab Hanafi kesemuanya adalah Asha'irah atau Maturidiyyah dan tidak ada perbezaan di antara mereka [pada hakikatnya], dan sebahagian besar daripada para imam dari kalangan ulama' mazhab Hanbali yang terdahulu adalah dari kalangan Asha'irah.

Dan ini adalah secara umum.”

Beliau seterusnya menyebut:

وأما على التفصيل فعظماء أمة محمد صلى الله عليه وسلم من الأشاعرة  
كالباقلاني، والقشيري، وأبي إسحاق الشيرازي، وأبي الوفاء بن عقيل الحنبلي،

وأبي محمد الجويني، وولده أبي المعالي إمام الحرمين الجويني، وحجة الإسلام الغزالي، والقاضي أبي بكر ابن العربي، وفخر الدين الرازي، وابن عساكر، والعزبن عبد السلام، وأبناء الأثير، والرافعي، والنووي، والسبكي، وأولاده، والمزي، والعراقي، وابنا حجر - العسقلاني والهيتمي -، والسيوطي، وما لا يحصيه العد مما تنقطع بذكره الأنفاس ويضيق بعده القرطاس.

“Manakala secara terperinci pula [berkenaan Ahli Sunnah Wal Jama’ah], maka tokoh-tokoh besar umat Nabi Muhammad ﷺ adalah terdiri daripada ulama’ Al-Asha’irah – seperti:

- [Al-Imām al-Mujaddid [kurun ke-4] al-Uṣūlī al-Mutakallim Shaykh al-Sunnah, Sayf al-Sunnah, Lisān al-Ummah al-Qāḍī Abū Bakr] al-Bāqillānī [al-Ash‘arī al-Mālikī] (w.403H),
- [Al-Imām Zayn al-Islām Imām al-Ṣūfiyyah ‘Abd al-Karīm Abū al-Qāsim] al-Qushayrī (w.465H),
- [Al-Imām Shaykh al-Shāfi‘iyyah Shaykh al-Dahr, Imām al-‘Aṣr, al-Shaykh Ibrāhīm] Abū Ishāq al-Shīrāzī (w.476H),
- [Al-Imām al-‘Allāmah al-Bāhr Shaykh al-Ḥanābilah ‘Alī] Abū al-Wafā’ bin ‘Aqīl al-Ḥanbalī (w.513H),
- [Al-Imām] Abu Muhammad [‘Abdullāh] al-Juwaynī [al-Shāfi‘ī] (w.438H), dan anaknya:
- [Al-Imām al-Faqīh al-Uṣūlī al-Mutakallim] Abū al-Ma‘ālī Imām al-Ḥaramayn [‘Abd al-Malik al-Shāfi‘ī al-Ash‘arī] (w.478H),



- [Al-Imām al-Mujaddid [kurun ke-5]] Hujjat al-Islām [wa al-Muslimīn, Muftī al-Ummah, Sharaf al-A’immah, Zayn al-Dīn, Abū Ḥāmid, Muḥammad] al-Ghazālī [al-Ṭūsī al-Naysābūrī al-Ṣūfī al-Shāfi’ī al-Ash’arī] (w.505H), [dan anak muridnya:]
- [Al-Imām al-Ḥāfiẓ al-Mufassir Khitām ‘Ulama’ al-Andalus] al-Qāḍī Abū Bakr [Muḥammad] bin al-‘Arābī [al-Mālikī al-Ash’arī] (w.543H),
- [Al-Imām al-Mujaddid [kurun ke-6] al-Mufassir al-Faqīh al-Uṣūlī Sulṭān al-Mutakallimīn Shaykh al-Ma’qūl wa al-Manqūl Muḥammad] Fakhr al-Dīn al-Rāzī [Ibnu Khaṭīb al-Rayy, al-Shāfi’ī al-Ash’arī] (w.604/605/606H),
- [Al-Imām al-‘Allāmah al-Ḥāfiẓ Kabīr Muḥaddith al-Shām Abū al-Qāsim ‘Alī] Ibnu ‘Asakir [al-Dimashqī al-Shāfi’ī al-Ash’arī] (w.571H) [Shaykh Dār al-Ḥādīth al-Nūriyyah – Dār al-Ḥadīth pertama dalam dunia Islam),
- [Al-Imām al-‘Allāmah al-Faqīh al-Mujtahid al-Qāḍī Sulṭān al-‘Ulamā’, Bā’i’ al-Mulūk, Shaykh al-Islām] Al-‘Izz bin ‘Abd al-Salām [al-Shāfi’ī al-Ash’arī] (w.660H),
- Anak-anak al-Athīr (al-Athīr al-Dīn) [iaitu tiga orang adik beradik yang merupakan ulama’ besar Islam pada kurun ke-6 Hijrah:
  - i. Al-Imām al-Muḥaddith al-Lughawī al-Uṣūlī Majd al-Dīn Abū al-Sa’ādāt al-Mubārak al-Shāfi’ī (w.606H), masyhur dikenali sebagai “Ibnu al-Athīr”,
  - ii. Al-Imām al-‘Allāmah al-Mu’arrikh al-Shaykh al-Muḥaddith al-Adīb al-Nassābah ‘Izz al-Dīn Abū al-

Ḥasan ‘Alī al-Shāfi‘ī (w.630H), masyhur dikenali sebagai “Ibnu al-Athīr al-Jazarī”,

iii. Al-Imām Ḍiyā’ al-Dīn Abū al-Faṭḥ Naṣrullāh (w.637H)], masyhur dikenali sebagai “Ibnu al-Athīr al-Kātib”]

- [Al-Imām al-‘Ālim al-‘Allāmah Shaykh al-Shāfi‘iyyah Imām al-Millah wa al-Dīn al-Mujtahid al-Muḥaqqiq al-Faqīh al-Uṣūlī al-Muḥaddith al-Mufassir al-Mu’arrikh Abū al-Qāsim ‘Abd al-Karīm] al-Rāfi‘ī [al-Qazwīnī al-Shāfi‘ī al-Ash‘arī] (w.623H),
- [Al-Imām al-Zāhid al-Wari‘ Waliyyullāh Shaykh al-Islām Shaykh al-Shāfi‘iyyah al-Faqīh al-Muḥaddith al-Lughawī Muḥyī al-Dīn Yaḥyā bin Sharaf] al-Nawawī [al-Shāfi‘ī al-Ash‘arī] (w.676H),
- [Al-Imām al-Faqīh al-Ṣūfī al-Muḥaddith al-Ḥāfiẓ al-Mufassir al-Muqri’ al-Uṣūlī al-Mutakallim al-Nāhwī al-Lughawī al-Adīb al-Ḥakīm al-Mantiqī al-Jadalī al-Khilāfi al-Nazzār Shaykh al-Islām Fakh al-‘Ulama’ Qāḍī al-Quḍāh Abū al-Ḥasan ‘Alī bin ‘Abd al-Kāfi] Taqiyy al-Dīn al-Subki al-Shāfi‘ī al-Ash‘arī (w.756H) dan anak-anaknya [yang paling masyhur daripada kalangan mereka ialah:
  - i. Al-Imām al-Faqīh al-Mu’arrikh Qāḍī al-Quḍāh Abū Naṣr Tāj al-Dīn al-Subkī al-Shāfi‘ī al-Ash‘arī (w.771H)]
- [Al-Imām al-Ḥāfiẓ Muḥaddith al-Shām Jamāl al-Dīn Yūsuf] al-Mizzī [al-Shāfi‘ī] (w.742H),

- [Al-Imām al-Mujaddid [kurun ke-8] al-Ḥāfiẓ Shaykh al-Ḥadīth Zayn al-Dīn Abū al-Faḍl ‘Abd al-Raḥīm] al-‘Irāqī [al-Shāfi‘ī] (w.806H),
- [Al-Imām al-Ḥāfiẓ Shaykh al-Islām Amīr al-Mu‘minīn fī al-Ḥadīth Shihāb al-Dīn Aḥmad] Ibnu Ḥajar al-‘Asqalānī [al-Miṣrī al-Shāfi‘ī al-Ash‘arī] (w.852H),
- [Al-Imām al-‘Allāmah al-Baḥr al-Zākhir al-Faqīh al-Muḥaddith al-Mu‘arrikh al-Mutakallim Shaykh al-Islām Khātimat al-Fuqahā’ wa al-Muḥaddithīn Shihāb al-Dīn Aḥmad] Ibnu Ḥajar al-Haytamī [al-Makkī al-Shāfi‘ī al-Ash‘arī al-Ṣūfī] (w.974H),
- [Al-Imām al-Mujaddid [kurun ke-9] al-Ḥāfiẓ al-Mufassir al-Adīb al-Faqīh Jalāl al-Dīn Abū Bakr ‘Abd al-Raḥmān] al-Suyūṭī [al-Shāfi‘ī al-Ash‘arī al-Shādzulī] (w.911H), [digelar dengan “Ibnu al-Kutub,”]

dan sebilangan besar yang tidak terhitung bilangannya, nafas tidak akan terputus dan kertas tidak akan mencukupi untuk menulis mereka satu-persatu.”

فإن كان كل هؤلاء ممن ذكرنا، وأضعافا مضاعفة ممن لم نذكر ليسوا من أهل

السنة، فمن هم أهل السنة في التاريخ؟

“Dan sekiranya setiap daripada mereka (para ulama’ besar Islam) yang telah kami sebutkan, dan berganda-ganda banyaknya lagi yang tidak kami sebutkan [di sini] bukanlah

daripada Ahli Sunnah Wal Jama'ah<sup>2</sup>, maka siapakan Ahli Sunnah Wal Jama'ah dalam sejarah [umat Islam]??!..”

R: (al-Sinan & al-'Anjari Ahl al-Sunnah al-Asha'irah: Shahadat 'Ulama' al-Ummah wa Adillatuhum), Bahagian Muqaddimah, ms.7.

**Pusat *Iftā'* Umum Jordan: Al-Ashā'irah dan al-Māturīdiyyah adalah Majoriti Umat Islam, Ulama' Yang Berwibawa dan Pembawa Akidah Rasulullah ﷺ**

Dā'irat al-Iftā' al-Āmm (Pusat Iftā' Umum), Jordan (2023, Edisi Ke-3) menyebut di dalam kitab “Aqīdat al-Muslim”, ms.74:

الأشاعرة هم جمهور المسلمين في شتى العصور ومختلفة الأزمنة، وكان علماءهم وفقهاؤهم أصحاب الدولة والمناصب العلية المرموقة، وهم الذين كانوا يتولون إنشاء المدارس، وتدوين العلوم وتدريسها للطلبة، وهم الذين كانوا يحافظون على أحكام الشريعة الإسلامية، ويدافعون عن الدين الإسلامي الحنيف، وكانوا مشهورين بالعدل والإنصاف.

“Al-Ashā'irah adalah merupakan majoriti umat Islam di seluruh masa dan sepanjang zaman. Para ulama' dan fuqaha' daripada kalangan mereka adalah para pemimpin negara Islam dan ilmuan berwibawa yang mempunyai kedudukan yang tinggi dalam ilmu lagi dihormati.

Mereka adalah para pemimpin dan ulama' yang memainkan peranan dalam menubuhkan madrasah-madrasah [di dalam dunia Islam], dan mengarang [kitab-kitab dalam] pelbagai jenis bidang ilmu, serta mengajarkannya kepada para penuntut ilmu.

---

<sup>2</sup> Seperti yang sering dituduh dan didakwa oleh golongan Wahhabi.

Dan mereka adalah [para pemimpin dan ulama'] yang memelihara hukum-hukum Syariat Islam serta mempertahankan agama Islam yang suci ini dan mereka begitu terkenal dengan keadilan dan kesaksamaan.”

Dan setelah menyenaraikan beberapa nama penting tokoh besar dunia Islam daripada kalangan ulama' al-Ashā'irah dan al-Māturidiyyah, Pusat Fatwa Umum Jordan (2023) menambah:

وبما سبق ذكره يتبين أنّ المذهبين الأشعريّ والماتريديّ يمثلان عقيدة الأمة سلفاً وخلفاً على مرّ القرون، وهي العقيدة المأخوذة عن النبيّ صلى الله عليه وسلم بواسطة الصحابة الكرام ثمّ بواسطة التابعين ثمّ من بعدهم، إلى أن وصلتنا صافيةً نقيّةً بيضاء، مؤيّدة بالأدلة القرآنيّة والنبويّة، العقليّة والنقليّة، ويستحيل أن يكون المذهب الأشعريّ، الذي شكل الحضارة الإسلاميّة وجعلها عظيمة على مرّ السنين مذهب أهل البدعة، كما يزعم بعض أهل الفرقة والتشتيت.

“Dan dengan senarai [nama ulama' besar dunia Islam dalam pelbagai bidang ilmu: akidah, usul fiqh, tafsir al-Quran, hadith dan fiqh] yang telah dikemukakan sebelum ini, nyatalah bahawa sesungguhnya mazhab al-Ash'arī dan al-Māturīdī adalah merupakan representasi (pernyataan) bagi akidah umat Islam pada era Salaf dan Khalaf sepanjang zaman.

Dan ia adalah akidah yang diambil daripada Baginda Nabi ﷺ melalui para Sahabat رضي الله عنهم yang mulia, kemudian melalui para Tābi'īn, dan kemudian melalui para ulama' yang datang selepas mereka, sehinggalah sampai ia (akidah Rasulullah ﷺ) kepada kita dalam keadaan bersih dan putih [tanpa sebarang

penyelewengan]; yang diperkuatkan dengan dalil-dalil al-Quran dan al-Sunnah, aqli dan naqli.

Dan adalah mustahil untuk akidah mazhab al-Ash‘arī ini – yang telah membentuk ketamadunan Islam dan menjadikannya sebuah tamadun yang agung bertahun-tahun lamanya ini – merupakan mazhab ahli bid‘ah, sepertimana yang disangka oleh golongan yang membawa perpecahan dan perpisahan/disintegrasi [di dalam umat Islam].”

### **Tokoh-tokoh Utama Ulama’ Al-Ashā‘irah di dalam Pelbagai Disiplin Penting Ilmu Syariah**

Dā‘irat al-Iftā’ al-‘Āmm (Pusat Iftā’ Umum), Jordan (2023) turut menyenaraikan tokoh-tokoh utama ulama’ Al-Ashā‘irah di dalam pelbagai bidang ilmu: akidah, usul fiqh, tafsir al-Quran, hadith dan fiqh, seperti berikut:

Tokoh Ulama’ Besar Ilmu Akidah dan Usul Fiqh daripada kalangan Al-Ashā‘irah:

- Al-Imām al-Mujaddid [kurun ke-4] Shaykh al-Sunnah Lisān al-Ummah, Abū Bakr, Muḥammad al-Bāqillāni al-Mālikī al-Ash‘arī (w.403H)
- Al-Imām al-Muḥaddith al-Uṣūlī al-Mutakallim al-Faqīh Abū Bakr, Muhammad bin al-Ḥasan, Ibnu Fūrak al-Shāfi‘ī al-Ash‘arī (w.406H)
- Imām al-Ḥaramayn Abū al-Ma‘ālī ‘Abd al-Malik bin ‘Abdullāh al-Juwaynī al-Shāfi‘ī al-Ash‘arī (w.478H)

- Al-Imām al-Mujaddid [kurun ke-5] Ḥujjat al-Islām, Zayn al-Dīn, Muftī al-Ummah, Sharaf al-A’immah, Abū Ḥāmid Muḥammad al-Ghazālī al-Shāfi’ī al-Ash’arī (w.505H)
- Al-Imām al-Mujaddid [kurun ke-6] al-Mufassir al-Faqīh al-Uṣūlī Sulṭān al-Mutakallimīn, Shaykh al-Ma’qūl wa al-Manqūl, Fakhr al-Dīn al-Rāzī, Muḥammad bin ‘Umar al-Shāfi’ī al-Ash’arī (w.606H)

Tokoh Ulama’ Besar Ilmu Tafsir al-Quran dan Hadith daripada kalangan Al-Ashā’irah

- Al-Imām al-Muḥaddith al-Mutqin Aḥmad bin al-Ḥusayn al-Bayhaqī al-Shāfi’ī al-Ash’arī (w.458H)
- Al-Imām Shaykh Khurāsān Abū al-Qāsim ‘Abd al-Karīm bin Hawāzin al-Ash’arī (w.465H)
- Al-Imām Rukn al-Dīn Shaykh al-Sunnah Muḥyī al-Sunnah al-Faqīh al-Muḥaddith al-Mufassir al-Ḥusayn bin Mas’ūd al-Baghawī al-Shāfi’ī al-Ash’arī (w.510H)
- Al-Imām al-‘Allāmah al-Ḥāfiẓ al-Kabīr Muḥaddith al-Shām Ibnu ‘Asākir al-Dimashqī al-Shāfi’ī al-Ash’arī (w.571H) – Shaykh Dar al-Ḥadīth al-Nūriyyah yang merupakan Dār al-Ḥadīth pertama di dalam dunia Islam.
- Al-Imām al-Mujtahid al-Faqīh al-Muḥaddith al-Lughawī Shaykh al-Islām Yāhyā bin Sharaf al-Nawawī al-Shāfi’ī al-Ash’arī (w.676H) – Tokoh besar dunia Islam yang disepakati, pentahrīr mazhab Syafie dan di antara Shaykh Dār al-Ḥadīth al-Ashrafiyyah yang merupakan Dār al-Ḥadīth paling berpengaruh di dalam dunia Islam.

- Al-Imām al-Mufassir al-Faqīh Nāṣir al-Dīn ‘Abdullāh bin ‘Umar al-Shīrāzī al-Bayḍāwī al-Shāfi‘ī al-Ash‘arī (w.685H)
- Al-Imām al-Ḥāfiẓ Qāḍī al-Quḍāh Shaykh al-Islām Amīr al-Mu‘minīn fī al-Ḥadīth Abū al-Faḍl Aḥmad bin ‘Alī, Ibnu Ḥajar al-‘Asqalānī al-Shāfi‘ī al-Ash‘arī (w.852H)
- Al-Imām al-Ḥāfiẓ al-Muḥaddith al-Mu‘arrikh al-‘Allāmah Badr al-Dīn Māhmūd bin Aḥmad al-‘Aynī al-Ḥanafī (w.855H)
- Al-Imām al-Mujaddid [kurun ke-9] al-Ḥafīẓ al-Mufassir Jalāl al-Dīn ‘Abd al-Raḥmān bin Abū Bakr al-Suyūṭī al-Shāfi‘ī al-Ash‘arī (w.911H)

Tokoh Ulama’ Besar Ilmu Fiqh daripada kalangan Al-Ashā‘irah:

- Al-Imām al-Mujtahid al-Mujāhid Sulṭān al-‘Ulamā’ Bā‘ī al-Mulūk al-‘Izz bin ‘Abd al-Salām al-Shāfi‘ī al-Ash‘arī (w.660H)
- Al-Imām Tāj al-Dīn al-Subkī al-Shāfi‘ī al-Ash‘arī (w.727H)
- Al-Imām al-Kāmāl Ibnu al-Humām al-Ḥanafī (w.861H)
- Al-Imām Shaykh al-Islām Zakariyyā al-Anṣārī al-Shāfi‘ī al-Ash‘arī (w.926H)
- Al-Imām Shaykh al-Islām Khātimat al-Fuqahā’ wa al-Muḥaddithīn Ibnu Ḥajar al-Haytami al-Makkī al-Shāfi‘ī al-Ash‘arī (w.973H)

### **Latar Belakang Ringkas Tokoh Ulama’ Al-Ashā‘irah dalam Bidang Akidah Terpilih**

Berikut adalah latar belakang bagi sebahagian mereka secara ringkas daripada kalangan tokoh ulama’ akidah ASWJ terpilih:



### **Imam [al-Mujaddid] al-Bāqillāni (w.403H)**

Abū Bakr Muḥammad bin al-Ṭayyib, yang digelar sebagai “Shaykh al-Sunnah” dan “Lisān al-Ummah”, daripada kalangan para imam mazhab Maliki. Kepimpinan mazhab Al-Ash‘arī dipegang oleh beliau pada zamannya, beliau tergolong daripada kalangan tokoh-tokoh utama Al-Ashā‘irah selepas pengasasnya [Imam] Abū al-Ḥasan al-Ash‘ari, sepertimana beliau juga dikira daripada kalangan para mujaddid kurun ke-empat Hijrah.

### **Imam Ibnu Fūrak (w.406H)**

Abū Bakr Muḥammad bin al-Hasan bin Fūrak Al-Anṣārī al-Aṣbahānī, seorang ahli hadith, ahli usul, *mutakallim*, ahli fiqh daripada kalangan ulama’ mazhab Shafie, beliau mengambil riwayat hadith di Basrah dan Baghdad dan meriwayatkannya di Naysabur dan beliau juga membina sebuah madrasah di sana.

### **Imam al-Ḥaramayn Abū al-Ma‘ālī al-Juwaynī (w.478H)**

Abū al-Ma‘ālī ‘Abd al-Malik bin ‘Abdullāh, daripada kalangan ulama’ mazhab Shafie. Beliau dibesarkan di dalam keluarga yang terkenal dengan ilmu dan agama. Bapa beliau adalah salah seorang daripada kalangan ulama’ dan fuqaha’ Naysabur yang terkenal. Beliau mempunyai karangan yang begitu banyak di dalam bidang tafsir, fiqh, akidah, usul fiqh dan ibadah. Beliau digelar sebagai “Imām al-Ḥaramayn” (Imam Dua Tanah Haram) kerana beliau pernah memegang tanggungjawab sebagai imam dan tenaga pengajar di dua tanah suci, Mekah dan Madinah.

### **Imam [al-Mujaddid] Ḥujjat al-Islām Abū Ḥāmid Muḥammad al-Ghazālī (w.505H)**

Ḥujjat al-Islām Abū Ḥāmid al-Shāfi‘ī al-Ash‘arī. Beliau ialah seorang ahli fiqh, ahli usul, mutakallim, dan menjalani jalan ahli Sufi. Beliau dikenali sebagai salah seorang pengasas madrasah al-Ash‘ariyyah di dalam ilmu kalam (akidah). Dan [Imam] al-Ghazālī digelar dengan pelbagai gelaran sewaktu hidupnya, gelaran yang paling masyhur ialah “Ḥujjat al-Islām”. Dan di antara gelaran yang diberikan kepada beliau ialah: “Zayn al-Dīn”, “Maḥajjat al-Dīn”, “al-Ālim al-Awḥad”, “Muftī al-Ummah”, “Barakat al-Anām”, “Imām A’immat al-Dīn” dan “Sharaf al-A’immah”.

### **Imam [al-Mujaddid] Fakhr al-Dīn al-Rāzī (w.606H)**

Abū ‘Abdillāh Muḥammad bin ‘Umar al-Qurashī (asal keturunan dari Quraysh) al-Shāfi‘ī al-Ash‘arī. Beliau digelar sebagai “Fakhr al-Dīn al-Rāzī”, “Sultān al-Mutakallimin”, “Shaykh al-Ma‘qūl wa al-Manqūl”, seorang ahli tafsir, ahli fiqh, ahli usul, ahli ilmu yang ensiklopedik (menguasai pelbagai ilmu). Kajian-kajian, pengajian-pengajian dan karangan-karangan beliau merangkumi ilmu-ilmu kemanusiaan, bahasa, ilmu-ilmu ‘aqliyyah sehingga ilmu-ilmu sains praktikal dan alam tabii seperti fizik, *riyāḍiyyāt* (matematik, kejuruteraan, algebra dan lain-lain) perubatan dan astronomi. Beliau merupakan tokoh pemimpin mazhab al-Ash‘arī dan merupakan mujaddid bagi mazhab ini. Apabila beliau menaiki haiwan tunggangannya, maka beliau akan dikelilingi oleh puluhan penuntut ilmu yang bertanya kepadanya soalan dalam pelbagai bidang ilmu.

Rujukan: Kitab “Aqīdat al-Muslim” (2020), terbitan Dā’irat al-Iftā’ al-‘Āmm (Pusat Fatwa Umum), Jordan, p.75.

## Tokoh Ulama’ Al-Ashā’irah adalah Para Mujaddid Sepanjang Kurun

Imam al-Ḥāfiẓ al-Imām al-Ḥāfiẓ al-Mawsū’ī al-Mujtahid al-Mujaddid Jalāl al-Dīn ‘Abd al-Raḥmān bin Abū Bakr al-Suyūṭī al-Shāfi’ī al-Ash‘arī al-Shādhīli (w.911H) telah merakamkan nama para mujaddid Islam di dalam manzūmah beliau yang bertajuk “Tuḥfat al-Muhtadīn bi Akhbār al-Mujaddidīn”. Beliau menyebut:

الْمَانِحِ الْفَضْلِ لِأَهْلِ السُّنَّةِ	الْحَمْدُ لِلَّهِ الْعَظِيمِ الْمِنَّةِ
Segala puji bagi Allah yang Maha Agung dalam memberi kurniaan, lagi yang Maha Memberi limpah kurniaan/ kelebihan kepada Ahli Sunnah [dan Jama’ah].	
عَلَى نَبِيِّ دِينِهِ لَا يَنْدَرِسُ	ثُمَّ الصَّلَاةُ وَالسَّلَامُ نَلْتَمِسُ
Kemudian selawat dan salam kami pohonkan, ke atas Nabi [Muhammad ﷺ] yang agamanya tidak akan lenyap.	
رَوَاهُ كُلُّ حَافِظٍ مُعْتَبَرٍ	لَقَدْ أَتَى فِي خَيْرِ مُشْتَهَرٍ
Sesungguhnya telah datang di dalam khabar (hadith) yang masyhur; setiap hafiz yang diperakui [keilmuannya dalam hadith] telah meriwayatkannya.	
يَبْعَثُ رَبُّنَا هِدْيَ الْأُمَّةِ	بِأَنَّهُ فِي رَأْسِ كُلِّ مِائَةٍ

Bahawa sesungguhnya pada setiap awal seratus tahun (kurun), Tuhan kita akan membangkitkan bagi umat ini.	
مَنَا عَلَيْهَا عَالِمًا يُجَدِّدُ	دِينَ الْهُدَى لِأَنَّهُ مُجْتَهِدٌ
Sebagai kurniaan ke atas umat ini - seorang alim yang akan memperbaharui (menghidupkan), agama petunjuk ini kerana beliau adalah seorang mujtahid.	
فَكَانَ عِنْدَ الْمِائَةِ الْأُولَى عُمَرَ	خَلِيفَةَ الْعَدْلِ بِإِجْمَاعٍ وَقَرَّ
Maka pada kurun yang pertama [si mujaddid] ialah <b>[Khalifah] Umar [bin ‘Abd al-‘Azīz] (w.101H)</b> , Sang khalifah yang adil, secara ijma’ ditetapkan.	
وَالشَّافِعِيُّ كَانَ عِنْدَ الثَّانِيَةِ	لِمَا لَهُ مِنَ الْعُلُومِ السَّامِيَةِ
Dan <b>[Imam] al-Shāfi‘ī (w.204H)</b> adalah mujaddid pada kurun kedua, kerana baginya itu ilmu-ilmu yang sangat tinggi.	
وَأَبْنُ سُرَيْجٍ ثَالِثُ الْأَئِمَّةِ	وَالْأَشْعَرِيُّ عَدَّهُ مِنْ أُمَّةِ
Dan <b>[Imam] Ibnu Surayj (w.306H)</b> adalah mujaddid [kurun] yang ketiga, dan <b>[Imam Abu al-Ḥasan] al-Ash‘arī (w.324H)</b> dikira mujaddid oleh mereka (para ulama’) yang mengangkat beliau sebagai Imam.	
وَالْبَاقِلَانِيُّ رَابِعٌ أَوْ سَهْلٌ أَوْ	الْإِسْفَرَايِينِيُّ خُلْفٌ قَدْ حَكَمُوا

Dan [Imam Abū Bakr] al-Bāqillānī (w.402H) itu adalah yang keempat, ataupun [Imam Abū al-Ṭayyib] Sahl [al-Ṣa'īlūkī] (w.404H) atau, [Imam Abū Ḥāmid] al-Isfarāyīnī (w.406H), terdapat khilaf dalam hal ini seperti yang mereka nyatakan.

وَعَدَّهُ مَا فِيهِ مِنْ جِدَالٍ

وَالْحَامِسُ: الْحَبْرُ هُوَ الْغَزَالِي

Dan yang kelima adalah si pendeta Imam al-Ghazali (w.505H), dan pengiraan beliau sebagai mujaddid tidak ada padanya perdebatan.

وَالرَّافِعِيُّ مِثْلَهُ يُوَازِي

وَالسَّادِسُ: الْفَخْرُ الْإِمَامُ الرَّازِي

Dan yang keenam ialah [Imam] Fakhr al-Dīn al-Rāzī (w.606H), dan Imam al-Rāfi'ī (w.623H) seumpamanya seiringan.

إِبْنُ دَقِيقِ الْعَيْدِ بِاتِّفَاقٍ

وَالسَّابِعُ: الرَّاقِي إِلَى الْمِرَاقِي

Dan yang ketujuh ialah dia yang meningkat ke pelbagai tingkatan [kemuliaan], [Imam] Ibnu Daqiq al-'Id (w.702H) dengan sepakat.

أَوْ حَافِظُ الْأَنْامِ زَيْنُ الدِّينِ

وَالثَّامِنُ: الْحَبْرُ هُوَ الْبُلْقِينِي

Dan yang kelapan ialah si pendeta [Imam Sirāj al-Dīn] al-Bulqīnī (w.805H), atau Hāfiz al-Anām [Imam] Zayn al-Dīn [al-'Irāqī] (w.806H).

وَهُوَ عَلَى حَيَاتِهِ بَيْنَ الْفِتْنَةِ

وَالشَّرْطُ فِي ذَلِكَ أَنْ تَمُضِيَ الْمِائَةُ

Dan syaratnya ialah apabila berlalunya kurun tersebut, beliau (si mujaddid) masih hidup di kalangan mereka.

وَيَنْصُرُ السُّنَّةَ فِي كَلَامِهِ	يُشَارُ بِالْعِلْمِ إِلَى مَقَامِهِ
Ditunjuk dengan ilmu pada kedudukannya, dan beliau menghidupkan Sunnah [Rasulullah ﷺ] dengan kalamnya.	
وَأَنْ يَكُونَ جَامِعًا لِكُلِّ فَنٍ	وَأَنْ يَعْمَ عِلْمُهُ أَهْلَ الزَّمَنِ
Dan hendaklah beliau menghimpunkan semua jenis ilmu, dan [manfaat] ilmunya itu tersebar luas kepada ahli zamannya.	
وَأَنْ يَكُونَ فِي حَدِيثٍ قَدْ رُوِيَ	مِنْ أَهْلِ بَيْتِ الْمُصْطَفَى، وَقَدْ قَوِيَ
Dan dalam sebuah hadith yang diriwayatkan [berkenaan Imam Mahdi], beliau hendaklah, daripada keturunan keluarga [Rasulullah] al-Mustafā [ﷺ], dan ia riwayat yang kuat.	
وَكَوْنُهُ فَرْدًا هُوَ الْمَشْهُورُ	قَدْ نَطَقَ الْحَدِيثُ وَالْجُمْهُورُ
Dan dia adalah seorang individu, mengikut pandangan yang masyhur, yang telah disebut oleh hadith dan majoriti ulama'.	
وَهَذِهِ تَاسِعَةُ الْمِئِينَ قَدْ	أَتَتْ، وَلَا يُخْلَفُ مَا الْهَادِي وَعَدُّ
Dan ini adalah kurun yang kesembilan sesungguhnya telah datang, tidaklah [Allah] Yang Maha Memberi Petunjuk itu memungkiri janji[-Nya].	
وَقَدْ رَجَوْتُ أَنِّي الْمَجْدُ	فِيهَا فَفَضَّلُ اللهُ لَيْسَ يُجْحَدُ
Dan sesungguhnya aku berharap bahawa aku adalah seorang mujaddid: (Imam al-Suyuti) (w.911H) padanya, maka sesungguhnya kurniaan Allah itu tidak dinafikan.	

عِيسَى نَبِيِّ اللَّهِ ذُو الْآيَاتِ	وَأَخِرَ الْمَثَلِينَ فِيمَا يَأْتِي
Dan pada akhir abad nanti yang akan datang, Nabi ‘Isa <small>عليه السلام</small> yang memiliki tanda-tanda [kenabiannya] [akan muncul].	
وَفِي الصَّلَاةِ بَعْضُنَا قَدْ أَمَّهُ	يُجَدِّدُ الدِّينَ هُدًى الْأُمَّةِ
Memperbaharui (menghidupkan) agama bagi umat ini, dan di dalam solat kelak sebahagian daripada kita [iaitu Imam Mahdi] akan menjadi imam bagi beliau.	
بِحُكْمِنَا إِذْ فِي السَّمَاءِ يُعَلِّمُ	مُقَرَّرًا لِشَرْعِنَا وَيُحْكِمُ
Beliau datang menetapkan Syariat kita, dan berhukum dengan hukum [Syariat] kita, tatkala di langit beliau telah diberi ilmu [tentang Syariat ini].	
وَيُرْفَعُ الْقُرْآنُ مِثْلَ مَا بُدِي	وَبَعْدَهُ لَمْ يَبْقَ مِنْ مُجَدِّدٍ
Dan selepas kewafatan beliau kelak, tidak akan ada lagi mujaddid, dan al-Quran akan diangkat seperti bermulanya.	
مِنْ رَفَعِهِ إِلَى قِيَامِ السَّاعَةِ	وَتَكْثُرُ الْأَشْرَارُ وَالْإِضَاعَةُ
Dan orang-orang jahat akan bertambah ramai serta agama akan disia-siakan, sejak daripada al-Quran diangkat sehinggalah berlakunya Kiamat.	
وَمَا جَلَا مِنْ الْخَفَا وَأَنْعَمَا	وَأَحْمَدُ اللَّهِ عَلَى مَا عَلَّمَا

Dan aku memuji Allah di atas apa yang telah Dia ajarkan, dan di atas ilmu yang menjadi terang dari tersembunyi, dan di atas apa yang Dia kurniakan.

وَالْأَلِّ مَعَ أَصْحَابِهِ الْمَكْرُمَةِ

مُصَلِّيًا عَلَى نَبِيِّ الرَّحْمَةِ

Juga aku berselawat ke atas Nabi [Muhammad ﷺ] yang membawa rahmat, juga ke atas ahli keluarga/para pengikut Baginda ﷺ serta para Sahabat ﷺ yang dimuliakan.




Ringkasan bagi nama para mujaddid di dalam manzūmah di atas adalah seperti berikut:

Kurun	Mujaddid
Pertama	Khalifah Umar bin ‘Abd al-‘Azīz (w.101H)
Kedua	Imam Muḥammad bin Idrīs al-Shāfi‘ī (w.204H)
Ketiga	Imam Ibnu Surayj (w.306H); Imam Abū al-Ḥasan al-Ash‘arī (w.324H)
Keempat	Imam Abū Bakr al-Bāqillānī (w.402H); Imam Abū al-Ṭayyib Sahl al-Ṣa‘lūkī (w.404H); Imam Abū Hāmid al-Isfarāyīnī (w.406H)
Kelima	Imam Ḥujjat al-Islām Abū Hāmid Muḥammad al-Ghazālī (w.505H)
Keenam	Imam Fakhr al-Dīn al-Rāzī (w.606H); Imam al-Rāfi‘ī (w.623H)
Ketujuh	Imam Ibnu Daqīq al-‘Īd (w.702H)
Kelapan	Imam Sirāj al-Dīn al-Bulqīnī (w.805H);




	Hāfiz al-Anām Imam Zayn al-Dīn al-‘Irāqī (w.806H)
Kesembilan	Imam al-Ḥāfiz Jalāl al-Dīn ‘Abd al-Raḥmān al-Suyūṭī (Doa beliau)

Dan senarai nama para mujaddid ini dipenuhi dengan tokoh-tokoh ulama’ ASWJ al-Ashā‘irah yang menguasai pelbagai bidang ilmu. Sumbangan mereka ke arah pengukuhan agama dan Sunnah Rasulullah ﷺ terlalu jelas dan besar. Segala puji hanyalah bagi Allah ﷻ.



## MANHAJ “AHLI SUNNAH WAL JAMA’AH” DI TANAH MELAYU

Kerangka manhaj Ahli Sunnah Wal Jama’ah di Tanah Melayu (Malaysia) adalah seperti berikut:



Para imam ASWJ yang menjadi ikutan dan teladan bagi umat Islam di Tanah Melayu dalam ketiga-tiga cabang fardu ain: [i] akidah, [ii] fiqh dan [iii] tasawuf adalah merupakan para ulama' muktabar dunia Islam yang dianggap sebagai “Mujaddid” bagi kurun mereka.

Hakikat ini dapat dilihat di dalam kitab-kitab para ulama' Melayu, wasiat mereka dan fatwa serta undang-undang tempatan. Penulis menukilkan sebahagian daripada kenyataan ini di dalam buku yang ringkas ini.<sup>3</sup> Kenyataan-kenyataan tersebut ialah:

- Wasiat Sheikh Abdullah Fahim
- Kenyataan Ketua Pengarah JAKIM (2013): Tan Sri Dato' Haji Othman bin Mustapha
- Kenyataan Jawatankuasa Fatwa Kerajaan Negeri Sembilan (2016)
- Deklarasi Ipoh (2023)

---

<sup>3</sup> Penulis juga sedang menyiapkan sebuah buku yang khusus berkenaan Ahli Sunnah Wal Jama'ah. Semoga Allah memberi taufik untuk penulis menyiapkannya.

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ وَالصَّلَاةُ وَالسَّلَامُ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ، (أَمَّا بَعْدُ):

“Tuan-tuan sedia maklum beratus-ratus tahun bahawa orang bangsa Melayu seMalaya ini dari peringkat ke bawah hingga ke peringkat ke atas, awam-awam, qadi-qadi, ulama'-ulama', menteri-menteri hingga raja-raja sekalian mereka itu **bermazhab dengan mazhab al-Imām al-Shāfi'ī ijmā'an**, tiada seorang pun yang bermazhab lain daripada mazhab Shāfi'ī (يَحْرُمُ خَرْقُ الْإِجْمَاعِ) “haram hukumnya mencarik/ merobek ijma”.

Ambil mereka itu **hukum-hukum fiqh Shāfi'ī** daripada kitab Tuḥfah dan kitab Nihāyah hingga kitab al-Umm dan mukhtaṣarātinya dan terjemahnya kepada bahasa Melayu seperti Sabīl al-Muhtadīn, Bughyat al-Ṭullāb dan Maṭla' al-Badrayn dan lainnya.

**Usuluddin atas perjalanan Abu al-Hasan al-Ash'arī**, diambikkan daripada shurūḥ dan hawāshī Umm al-Barāhīn dan Jawharah dan sebagainya daripada kitab-kitab Melayu.

**Ilmu Tasawuf atas perjalanan al-Imām al-Ghazālī**, diambikkan daripada Minhāj al-'Ābidīn, Ihyā' 'Ulūm al-Dīn dan terjemahnya kepada Melayu seperti Siyar/Sayr al-Sālikīn.

Maka ini kitab-kitab dan seumpamanya segala hukum dalamnya kesemua mustanbaṭ daripada Qur'an dan Hadith yang dihalusi dan ditapis oleh ulama' ajillā' (ulama yang cemerlang lagi terbilang), diamal dengan dia sudah lebih daripada seribu (1000) tahun dan diterjemah kepada bahasa Melayu beratus-ratus tahun.”

بِسْمِ اللَّهِ الرَّحْمَنِ الرَّحِيمِ لِلْعَمَلِ وَالصَّلَاةِ وَالصَّلَامِ عَلَى سَيِّدِنَا مُحَمَّدٍ  
وَعَلَى آلِهِ وَاصْحَابِهِ (أما بعد)  
تو ان، سيد معلم <sup>برائتوس</sup> تاهن بهولو وراغ ملايو <sup>بفنا</sup> سيملايان  
دری خرعتکت کتابوه هفتکا خرعتکت کاتبه  
عمام، قاضي، علم، منتري، هفتکاراج، کلين مریکتت بر مذهب  
دعنی مذهب الامام الشافعي اجماعا تبادا سور الخ خورع یغ بر مذهب  
لابن در خدا مذهب شافعي (يَحْرَمُ خَرْقُ الْإِجْمَاعِ)  
آ اسیل مریکت حکم، فقه شافعي در خدا کتاب تحفة، دان  
کتاب نهایه هفتکا کتاب الام دانه مختصرات دانه ترجمه  
کفد بهسا ملايو سفری سبیل المرقدي، بغیة الطلاب  
دانه بطلم البدری دانه لایان  
اصول الدین اتنی خراج الازی ابی الحسنی الاشعری  
دانه سبیل کن در خدا شروع دانه هوشی نام البراهین دانه جوهره  
دانه سبکائی در خدا کتاب، ملايو  
علم تصوف اتنی خراج الازی الامام الغزالی  
دانه سبیل کن در خدا منهاج العاردين، احياء علوم الدين  
دانه ترجمه کن کفد ملايو سه فرق سیر الساکین  
کتاب انی کتاب، دانه مؤفمان سکا لاجکوم والمرک کسواح  
مستنبط در خدا قران دانه حدیث یفد هالرسي دانه  
ذناخس اوله علماء اجلاء در عمل دیندی سوده لیه در خدا  
سریبوتاهن دانه ترجمه کفد بهسا ملايو برائتوس تاهن  
برائتوس

## **Tan Sri Dato' Haji Othman Bin Mustapha – Ketua Pengarah JAKIM (2013)**

Ketua Pengarah JAKIM (24 April 2011 - 16 Mei 2018), Tan Sri Dato' Othman Mustapha juga ada menerangkan berkenaan definisi dan kerangka Ahli Sunnah Wal Jama'ah yang menjadi asas penghayatan agama Islam di Malaysia. Pada tahun 2013, beliau menyebut:

“Anutan Ahli Sunnah Wal Jama'ah yang menjadi tradisi di Malaysia [dari sudut fiqh] merujuk kepada pengikut mazhab Syafieyah dan dari segi teologinya [akidah] beraliran Asya'irah tanpa menolak tiga mazhab lain yang muktabar. Dari segi akhlak atau rohaniyahnya [Tasawwuf] dipengaruhi oleh pandangan Imam Al-Ghazali.”

Rujukan: Dato Othman Mustapha, Ketua Pengarah JAKIM, Berita Harian, Ahad, 13 Disember 2013, m/s 30-31.

## **Muzakarah Jawatankuasa Fatwa Negeri Sembilan (2016)**

“Setelah meneliti setiap pandangan ahli mesyuarat dan hujah-hujah yang dikemukakan, Muzakarah Jawatankuasa Fatwa Negeri Sembilan Bil. 02/2016-1437H yang bersidang pada 25 Februari 2016 bersamaan 16 Jamadilawal 1437H telah bersetuju menerima cadangan takrifan berkaitan Ahli Sunnah Wal Jama'ah dalam konteks Negeri Sembilan iaitu merujuk kepada kelompok majoriti umat Islam mereka yang berpegang dengan ajaran Islam yang sebenar berdasarkan al-Quran dan panduan Nabi Muhammad SAW, para sahabat dan para ulama Islam muktabar serta berpegang dalam hal berkaitan dengan:

1. Akidah dan Tauhid, berdasarkan pegangan Imam Abu Hasan al-Ash'ari dan Imam Abu Mansur al-Maturidi.
2. Fiqh dan Syariah, berdasarkan mazhab Shafii di samping meraikan mazhab Hanafi, Maliki dan Hanbali.
3. Tasawwuf, berdasarkan manhaj ulama sufi berwibawa seperti Imam Junaid al-Baghdadi dan Imam al-Ghazali.”

Rujukan: Laman Sesawang JMKNS (Jabatan Mufti Kerajaan Negeri Sembilan). Tarikh akses: Ahad, 8 Mei 2016.

## Deklarasi Ipoh (2023)

بِسْمِ اللَّهِ الرَّحْمَنِ الرَّحِيمِ

الحمد لله رب العالمين وصلى الله على سيدنا محمد وعلى آله وصحبه وسلم

Muzakarah Sultan Nazrin Muizzuddin Shah dengan tema "Memperkasa Ahli Sunnah Wal Jama'ah Sebagai Al-Fiqah Al-Najiah" telah dianjurkan oleh Jabatan Mufti Negeri Perak Darul Ridzuan dan dirasmikan oleh Duli Yang Maha Mulia Paduka Seri Sultan Nazrin Muizzuddin Shah Ibni Al-Marhum Sultan Azlan Muhibbuddin Shah Al- Maghfur-Lah bertempat di Hotel Casuarina @ Meru, Ipoh, Perak pada 10-12 Oktober 2023 Masihi bersamaan 25-27 Rabi'ul Awwal 1445 Hijrah.

Muzakarah yang berlangsung selama tiga hari ini telah membuat deklarası berikut:

[1] Ahli Sunnah Wal Jama'ah merujuk kepada umat Islam yang berpegang teguh dengan petunjuk Rasulullah ﷺ dan para sahabat baginda ﷺ di dalam memahami dan mengamalkan agama Islam.

[2] Ahli Sunnah Wal Jama'ah adalah merupakan pegangan majoriti ulama' dan umat Islam sepanjang zaman semenjak generasi para Salaf dan Khalaf sehingga hari ini. Mereka disebut sebagai "Al-Jama'ah", "Al-Sawad Al-A'zam" dan "Al-Firqah Al-Najiah" yang telah diperintahkan oleh Rasulullah ﷺ untuk umat Islam berpegang dengannya tatkala berlakunya perpecahan umat.

[3] Ahli Sunnah Wal Jama'ah ialah golongan umat Islam yang berpegang dengan manhaj Imam Abu al-Hasan Al-Ash'ari dan Imam Abu Mansur al-Maturidi serta ahli Athar di dalam bidang akidah, dan beramal dengan mazhab yang muktabar di dalam bidang fiqh, serta mengikut madrasah Imam Junayd al-Baghdadi dan Imam al-Ghazali di dalam bidang tasawuf.

[4] Manhaj Ahli Sunnah Wal Jama'ah adalah merupakan manhaj yang mengambil pendekatan pertengahan dan seimbang di antara dalil naqli dan aqli serta berpegang dengan kaedah Tafwid dan Takwil bagi nas-nas mutashabihat.

[5] Ahli Sunnah Wal Jama'ah menjadi pegangan seluruh ulama' muktabar daripada kalangan fuqaha', ahli hadith, ahli tafsir, ulama' tasawuf, ulama' lughah dan ilmu qiraat.

[6] Firqah-firqah bid'ah seperti Syiah, Khawarij, Mujassimah, Mushabbihah, Muktazilah, Batiniyyah, Liberalisme, Pluralisme, Sekularisme, Wahhabi, Salafiah Jihadiyah, DAESH, Al-Ikhwan, Hizbut Tahrir dan sebarang fahaman yang membawa kepada fenomena takfir dan keganasan terkeluar daripada Ahli Sunnah Wal Jama'ah.

[7] Ahli Sunnah Wal Jama'ah juga adalah merupakan jati diri umat Islam di alam Melayu sejak kedatangannya dan menjadi warisan



sehingga ke hari ini. Oleh itu, Ahli Sunnah Wal Jama'ah perlulah difahami, dihayati, dipelihara dan dilindungi serta usaha-usaha memperkasakan Ahli Sunnah Wal Jama'ah ini perlulah dilakukan secara menyeluruh dan berterusan.

Dato' Wan Zahidi Wan Teh

Mufti Negeri Perak Darul Ridzuan

12 Oktober 2023 bersamaan 27 Rabi'ul Awwal 1445 Hijrah



## CIRI-CIRI UMUM UMAT ISLAM “AHLI SUNNAH WAL JAMA’AH”

Secara ringkasnya, ciri-ciri umum umat Islam Ahli Sunnah Wal Jama’ah adalah seperti berikut:

1. Mereka menetapkan sifat-sifat kesempurnaan (*kamāl, jalāl* dan *jamāl*) bagi Allah ﷻ secara *ijmālī* dan *tafṣīlī*.
2. Mereka mentaqdiskan dan menyucikan Allah ﷻ daripada sifat-sifat kekurangan dan sifat-sifat makhluk secara mutlak.
3. Mereka menjaga adab yang tinggi dengan Rasulullah ﷺ dan mengiktikadkan bahawa Baginda ﷺ ialah makhluk Allah ﷻ yang paling mulia di sisi-Nya serta mereka banyak berselawat kepada Baginda ﷺ.
4. Mereka menyintai dan menghormati kedua-dua ahli keluarga Rasulullah ﷺ dan para sahabat Rasulullah ﷺ.
5. Mereka adalah majoriti ulama’ umat Islam sejak dahulu sehingga kini.
6. Mereka adalah majoriti umat Islam sejak dahulu sehingga kini.
7. Mereka adalah golongan yang *waṣaṭiyyah* (pertengahan di antara dua ekstrim).
8. Mereka saling hormat menghormati.
9. Mereka tidak mengkafirkan atau menyesatkan atau mencaci para ulama’ dan orang-orang soleh yang terdahulu.
10. Mereka tidak saling kafir mengkafir sesama mereka dan tidak saling sesat menyesatkan sesama mereka.
11. Mereka tidak mengharuskan pemberontakan bersenjata ke atas pemimpin muslimin dan umat Islam.

12. Mereka berlapang dada dalam perkara-perkara *khilāfiyyah* dan bertegas pada asas akidah.
13. Mereka tidak mengkafirkan umat Islam kerana melakukan dosa, apatah lagi kerana melakukan amalan-amalan sunat, perkara *khilāfiyyah* dan adab dalam ibadah dan berdoa seperti *tawassul*, *tabarruk* dan *istighāthah*.
14. Mereka tidak mudah mengkafirkan ahli qiblah.